



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

X. Episcopi tenentur accedere ad synodum quam Rex indixerit. Probatur ex insigni loco Gregorij Turorensis. In literis tamen convocationis exprimend erant causæ ob quas conventus præcipiebatur.

urn:nbn:de:hbz:466:1-15617

& Imperij Lib. VI. Cap. XVIII. 243

Matisconensis. Quippe cùm regnum Francorum in tres partes divisum esset inter filios Clotarij, earum unam Guntramnus sub vocabulo regni Burgundionum obtinebat; ceteras, quæ Australia & Neustria dicebantur, fratres ejus suo jure possidebant. Cupit autem Guntramnus ut omnes regni sui Episcopi simul congregarentur; cùmque ob causam eis præcepit ut ad Matisconensem urbem accederent. Ne quis verò id à me gratis dictum puteret, auctorem laudabo Gregorium Turonensem, cuius ea sunt verba in libro VIII. cap. xx. historie: *Episcopi ex iussu Regis Guntchramni apud Matisconensem urbem collecti sunt. Præfatio verò synodi testatur ei interfuisse omnes Episcopos qui in regno Guntramni erant constituti.* *Gaudemus quod omnes Episcopi qui in regno gloriose Domini Guntramni Regis episcopali funguntur honore, in uno se conspicunt coadunati Concilio.* Inter eos autem in primis videtur est Metropolitanus Lugdunensem, Viennensem, Rothomagensem, Burdigalensem, Senensem, Bituricensem, Velsonionensem, Ebredunensem, & Tarantasiensem. Illud Episcorum corpus jubet in canone ultimo ut Concilium nationale, quod universale vocat secundum phrasim Africanorum, id est, Concilium ex universis regni provinciis, tertio quoque anno celebretur; ea tamen lege, ut id fiat iussu Principis, qui locum commodum assignabit, situm velut in centro & in medio Episcorum: *Hoc adimplere sollicitudinis fit Metropolitani Lugdunensi Episcopi, una cum dispositione magnifici Principis nostri prius desiderantis locum mediterraneum ad quem omnes Episcopi sine labore alacres congregentur.* Patres Matisconenses vocabulum *dispositionis* (quod in legibus Codicis significat edictum) hauserunt ex epistola sancti Leonis ad Pulcheriam, qui eo utitur ut significet iusta Imperatoris data pro convocatione Concilij: *Ne autem priissimi Principis dispositioni, qua episcopale Concilium voluit congregari, nostra videtur presentia defuisse, fratres meos Iulianum Episcopum, & Renatum Presbyterum, & filium meum Hilaryum Diaconum misi, qui vicem presentiae mee implere sufficerent.* Episcopo autem Lugdunensi curam delegant perendi & obtinendi à Principe mandata pro convocatione Concilij universalis; ea videlicet de causa, quod Metropolitanus esset urbis regis regni Burgundionum, in qua Guntchramnus comorari solebat. Quoniam verò Concilium, juxta Principis desiderium, satagebat ei Episcopo novam Patriarchæ dignitatem procurare, quo cum vocabulo honestant in præfatione, placuit ut ipse regia diplomata pro

Tom. II.

congreganda synodo mitteret cum suis literis.

Synodi demum Parisensis quintæ patres, quæ anno sexcentesimo decimo quinto celebrata est, agnoscent se congregatos esse ex evocatione glorioissimi Principis Domini Clotacharij Regis, cui Neustria & Burgundia parebant. Quin & synodus Cabilonensis habita anno sexcentesimo quinquagesimo, cui interfuerunt Episcopi Burgundionum & Neustriæ, coacta est tam ex communi omnium voluntate quam ex evocatione vel ordinatione glorioissimi Domini Clodovei Regis, qui duo illa regna possidebat. Et in epistola synodica Concilij patres aint: *Quod gloriois Dominus Clodoveus Rex in urbe Cabilono synodale precepit esse Concilium.*

X. Sufficiunt, opinor, ista quæ diximus, ut difficilibus & morosis ingenii persuaderi possit magnam Regibus auctoritatem competere ad convocanda Concilia, cuius tantum via est, ut Episcopi teneantur accedere ad synodum quam Rex celebrandam indixerit. Necessestam illam parendi mandatis Principis docet illustris locus apud Gregorium Turonensem. Narrat ille Childebertum Regem Austrasiorum suis literis anno D XC. evocasse Episcopos regni sui ad urbem Virdunensem, ut accusatio adversus Aegidium Remensem Archiepiscopum instituta judicaretur. Ac licet iter illud plurimum incommodi adferret Episcopis, ob intolerabilem hyemis asperitatem, pluvias, & fluminum inundationem, tamen, ut ait Gregorius, præceptioni regia ob sistere nequiventur. Rex Episcopos accersiri ad ejus examinationem præcepit, scilicet ut ab initio mensis Octavi apud Viridunensem urbem adesse deberent, dirigenç epistolæ, ut supra diximus, ad omnes regni sui Pontifices, ut medio mense non ad discutiendum in urbe supradicta adesse deberent. Erant autem pluviae valide & immensæ, rigor intolerabilis, dissolutæ luto via, amnes litora excedentes. Sed præceptioni regie ob sistere nequiviverunt. Nihilominus dissimulandum non est difficiles se præbuisse Episcopos, nisi causa convenitus, quæ nota esse debebant, in literis convocationis exprimerentur. Nam in eo casu Mapinus Episcopus Remensis, ad Nicetum Treverorum Episcopum scribens, fatetur obediendum esse Regi: *Quoniam parere nos regiis preceptis in bonis rebus & convenient & libeat, tametsi ipse Mapinus Tullum accedere recusasset post literas Principis: Indicamus nos literas filij nostri Regis Theodebaldi excepisse ut in Tullensum urbe die Calendarum Iuniarum adesse deberem; & nullam causam evocationis declarantes, reciprocante pagina indicavimus nos illuc accedere non debere,*

Hh ij

quia causam conditionemque nos constabat ignorare. Iteratis scriptis edocuit &c.

CAPVT XIX.

Synopsis.

I. Gregorius magnus agnoscit auctoritatem Regum Francorum in convocationis Concilii.

II. Imperatores possidebant auctoritatem convocandi Concilia extraordinaria. Sed id non excludebat literas Metropolitanae ad compunctiones Episcopos, neque Patriarcharum ad Metropolitanos. Probatum ex Concilio Ephesino & Chalcedonensi.

III. Accepit literis, Metropolitanus congregabani synodos suarum provinciarum, que Legatis consensus suos dabani. Interdum Imperatores missibani literas convocatorias ad Patriarchas, qui deinde synodum patriarchalem congregabant. Eo literis suis evocabant Metropolitanos. Litera Principum & Metropolitanorum non sunt dissociabiles.

IV. Idem jus obtinebat in Gallia, quandiu Conciliorum convocatio penes Reges fuit. Quid si Summus Pontifex eam curam ad se traheret? Prudentia Gregory magi landata.

V. Regum in eo auctoritas probatur ex epistola Sigeberti Regis ad Desiderium Episcopum Cadurensem; que explicatur.

VI. Hilarus Papa Leonio Arelatensi Episcopo conulit potestarem convocandi Concilium ex ariensis provincie. Symmachus Papa ultra progressus est.

VII. Vigilius Auxano Arelatensi concessit usum Pally & auctoritatem convocandi synodum omnium Episcoporum Gallicanorum. Ea legatio data precibus Regis Childeberti; in cuius quoque gratiam vicariatum suum idem Pontifex conuli Aureliano, Auxani successor. Arelas prima sanctissimarum Gallicae Ecclesiarum dicta à Justiniano.

VIII. Pelagius primus Sapundo Arelatensi non tribuit aperiè auctoritatem convocandorum Conciliorum. Legatio illa data precibus Regis Childeberti. Ex verbis Pelagi colligitur non admodum habuimus in honore Arelatenses Episcopos, tametsi Vicarii essent apostolicae sedis.

IX. Gregorius dignitatem Vicarii tribuens Virgilio Arelatensi, non evagatus est extra veteres fines.

I. **S**E D ut omnis cavillandi via iis præcludatur qui hoc Episcoporum erga Reges obsequium ab adulacione proficiunt exultimare possint, utar auctoritate Gregorii magni: qui cupiens abolere pravam conuentudinem quae in regnis Burgundiae & Austrasie invaluerat adversus canones, venditionem scilicet ordinationum, synodum haberi ea de causa jussit anno DCCIX. literis datis ad Syagrium Episcopum Augustodunensem, Ætherium Lugdunensem, Virgilium Arelatensem, & Desiderium Vienensem. Quoniam verò optimè noverat quenam in Concilio convocandis esset Principium auctoritas, heic subsistere noluit; sed eandem ob causam literas ad Reginam

Brunichildem, quæ Regum avia erat, scripsit; quibus, Excellentia ejus affectu paterno salutata, perit ut iussione regia synodum fieri constituit. Et quia Syagrio Augustodunensi Episcopo, intimo Regum amico, sollicitudinem synodi celebrandi delegaverat, Brunichildem orat ut ei commodas aures præbeat supplicant, eumque ope sua adjuvet ad extirpandum hoc malum: *Salutantes excellitiam vestram paterno affectu, petimus ut de his pravitatis emendatione Deum vobis placabilem faciatis. Et ut nulla deinceps valeat occasione committi, synodum fieri iussio regia constituit. Infrā: Curam vero & sollicitudinem ejusdem synodi, quam siendam decrevimus, fratris coepiscopique syagrio, quem vestrum proprium novimus, specialiter delegate curavimus; quem petimus ut & supplicantem libenter audire & ope juvare dignemini &c. Eandem ob causam scribens ad Reges Theodosium & Theodebertum, verbis uitius disertissimis, quæ ostendunt Summo Pontifici persuasum fuisse Regibus competere auctoritatem convocandi synodum: Qua de re ut magnum. ni potenti Dominom unius valcatis offere, synodum congregari precipite.*

Et quoniam Concilium illud, quod sanctus Gregorius iustissime expetebat, non statim convocatum fuit, literas anno sexcentesimo primo scriptis ad Virgilium Episcopum Arelatensem & Ætherium Lugdunensem, quibus eos hortatus est ut synodi convocationem urgerent. Interim ad Theodosium Regem Burgundionum scribens, illum rufus hortatur ut synodum congregari jubeat: *Iterata vos, pro vestra magna mercede, abdicatione pulsamus ut congregari synodum jubeatis. Item in epistola ad Clotarium Regem: Petimus ut pro mercede vestra congregari synodum facatis. Et ad Reginam Brunichildem: Iaque synodum congregari precipite.*

II. Posset heic aliquis suspicari quandam in iis epistolis esse contradictionem, aut saltem aliquatenus imminentem auctoritatem regiam, quod Gregorius præcipiat Metropolitanis Arelatensi, Vienensi, & Lugdunensi, & Syagrio Augustodunensi Episcopo, ut synodum congregent. Verum si ratio politia ecclesiastica quæ ipsi Imperatorum temporibus in usu erat expendatur, manifestum erit mirificam in eo capite fuisse sacerdotij & imperij concordiam, & modum agendi, quo illi utebantur, in Gallia fuisse continuatum aucto beati Gregorij. Imperatores enim, qui citra omnem controviam possidebant auctoritatem congregandi Concilia extraordinaria, ei tamen cum modum adhibebat ut mandata eorum non exclu-

Gregor. lib. 7.
cap. 10. Indit.
2. Fratricitatem
vestram auctore
Des. volumus fit
synodum congregare.